

Бичкдүдиг садикас школур үдүшлүллгън

Элст балгъсна бички күүкд бääдг негдгч номертá садикин нег öрä дегд сääхнär кеерулгддж. Эн öрäd садикин бички күүкдг гидж кесг ширäстävдж, эдниг цугтагъинь, эк-эцкинь нääрт наар гицхäv.

Эндр öдр школд орх ах күүкдän үдүшлүлджänä. Биивятхин татси маршин айсар, школин негдгч класст орх күүкд ордж ирцхäv.

— Энъкр күүкд, тaдн дөрви джилин эргцд мана садикд бääгбäд, кесг эрдм: дуулдг, биилдг, зурдг болн шүлгүд келдгиг дасцхавт. Ода тaдн негдгч классин сургъульчнр болхт, школдан сургъулän сääнär,

дегд сääнär дасцхатн. Маниг бичä мартцхатн, манур гиич болдж ирджätн, — гидж бичкдүдин садикин гардгч үр Доскина Анна Васильевна келв.

Ах багин күүкд, негдгч девснъгин багшин сургъуль одахн дууссн үр К. М. Яковлеван гардврар, цугъар ду дуулцхав, шүлгүд келцхäv.

Эн болсн нääрт негдгч класст орх Завалина Люда, Вдовенко Шура, Стахиев Серёжа, Тепшинова Света, Стасенко Люба ахта шунмгъа кевär орлцхав. Сургъульд орхар гарцах улсас бичкдүднъ чигн ард үлджäхш. Бичкдүд: Желенкова Таня, Дроботова Оля, Антоненко

Тома болн нань чигн кесг күүкд эврәннь билг-эрдм үзүлв. Эдн наадгъата биилдг би, шүлгүд чигн умшдж үзүлв.

Бички күүкдг сургъмдж öгчäх үр Струк Полина Филатован гольшг, сääхн бääдлärн бичкдүдиг бийүрн киисгдж авч, теднтä шуугата, олн-зүсн наад кедгиг онц темдглх кергтä.

Нääрин сүүлär, негдгч класст орх күүкдг букварь болн сургъульчин зер-зевс белгддж öггдв. Бички сургъульчнр шуугатагъар дууллдад салцхав. Эн садикин-нär кесг джилин туршарт мартгдшгö öдр болв.

ЭРНДЖÄНÄ Е.